

WALO (8) KA MGA LAKANG SA PAGHUBAD SA **MAST**

1. **PAGSABOT SA ISTORYA-** Mao kini ang pagbasa sa teksto ug unya pagtan-aw o pagsusi sa mga tawo nga anaa sa istorya, mga lugar ug unsay kinatibuk-an nga dagan sa istorya. Dili kinahanglan nga saulohon ang istorya o sugilanon.
2. **PAG-ISTORYA-** human sa pagbasa, kinahanglan nimu isulti sa uban kung unsa ang kinatibuk-ang dagan sa istorya. Kung unsa lamang imong nasabtan ug unsa ang nagpabilin sa hunahuna ang isulti. Dili usab kinahanglan saulohon ang tibuok dagan sa istorya. Sama lamang kini sa pagsugilon sa istorya sa usa ka tawo. Buhata kini nganha sa imong kaugalingong pinulongan.
3. **PAGBAHINBAHIN SA TEKSTO-** mao kini ang lakang kung asa bahinon nimu sa ginagmay ang teksto, depende sa makaya nato ug magpabilin sa atong hunahuna. Apan anaa nay mibuhat niini sa atong material nga ginagamit.
4. **PAGSULAT O PAGHUBAD NGA DILI MAGTAN-AW SA GIGIKANANG TEKSTO-** mao kini ang pagsulat na sa teksto sa imong kaugalingong nga pinulongan. Apan dili na pwede motan-aw sa gigikanang teksto. Kung unsa lang ang nagpabilin sa hunahuna aron mas natural kini sa imong kaugalingong pinulongan.
5. **PAGSUSI SA KAUGALINGONG HINUBAD-** dinhi na nimo ikumpara ang imong gihubad ngadto sa gigikanang teksto aron tan-awon ang mga nawala nga impormasyon, mga punctuations (tuldok o uban pa) ug kung aduna bay mga butang nga lahi ang imong pagsabot diha sa imong paghubad.
6. **PAGSUSI SA PARES-** mao kini ang pagsusi sa imong kaubanan sa imong gihubad nga teksto. Sama gihapon sa imong kaugalingong pagsusi, tan-awon sa imong kauban kung aduna bay mga nawala nga impormasyon, mga punctuations (tuldok o uban pa) ug kung aduna bay mga butang nga lahi ang imong pagsabot diha sa imong paghubad.
7. **PAGSUSI SA MAHINUNGDANONG MGA PULONG-** mao kini ang pagtan-aw kung anaa ba ang tanan nga mga importante o mahinungdanon nga mga pulong. Sama sa: Anghel, Dios, Ginoo, Jesus ug uban pa. Buhaton usab kini aron mahibaloan kung haom ba ang mga pulong nga imong gigamit alang sa maong mahinungdanon nga pulong. Buhaton kini sa lahi na usab nga tawo o kaubanan.
8. **KINATIBUK-ANG PAGSUSI-** mao kini ang pagsusi sa kinatibuk-ang dagan sa istorya/sugilanon. Buhaton kini sa lahi na usab nga tawo o kaubanan.